

دائرة مخصوصه

در سعادتده باب عالی جوارنده

محل اداره :

مشرط القیم

اخطار :

مسلكمزه موافق آثار جدیده مع المنوئیه

قبول اورانور

درج آیدیه بن آثار اعاده او نواز

دین، فلسفه، علوم، حقوق، ادبیات و سیاسیات و بالخاصه کرم سیاسی و کرم اجتماعی و مردمی احوال و مشوره اسلامیه و نه بحث ایدر و هفته ده بر نشر انور.

آبونه بدلی

سنه لکی

التي آیلنی

ممالک عثمانیه ایچون	۸۰	۴۰	غروش
روسیه	»	۶۰۵	۳۰۵ روبله
سائر ممالک اجنبیه	»	۱۷	۹ فرانق

صاحب و مؤسسری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرله دن مقوا بورو ایله کوندریلیسه سنوی

۲۰ غروش فضله آلنیر

عدد : ۷۶

۷ صفر الحیر ۳۲۸ پنجشنبه ۴ کانون ثانی ۳۲۵

اوچنچی جلد

معدده، هضمی بیایر؛ قره جگر حاصل ایده جکی شکرک، غدیدات افراز و افراغ ایده جکی مایعانک مقدارینی طانیر، فضله سندن توی ایدر. آق جگر لر دقیقه ده قاج شهبق وزفیر اجرا ایده جکنی ونه مقدار مولدالموضه آلوب نه قدر حامض قاربون طرد ایده جکنی کندیسنه وارد اولان بیس قانی نه صورتله تصفیه ایده جکنی پک ازلدن تعلیم ایتشدر.

امعا حرکات دودیه سنک عضویتیه بر منفعتی اولدیغنی تقدیر ایدرک اجزاده قصور ایتماز. هضم اولنان یمکارک نه مقداری مص اولنه جق، نه مقداری قانه قاریشه جق، ونه مقداری خارج، طرد اولنه جق معلومدر.

بالکه روحک؛ حواس خمسهنک، ودها بشرک اظهار عجز ایتدیکی، بله مدیکی نیجه مرا کزک مقری؛ پک نازک بر عضو مهم اولان دماغ؛ وقوعات حیات داخلیه وخارجیه پی حس ایدرک بزی خبردار ایدر.

شمدی بونلردن برینک افراط ویا تقریظه وارسی یاخود بو حال طبیعی دیه کوردیکمز، طانیدیغمز احوالک بشقه لشمسی بالطبع بر حال مرضیدن بشقه برشی اوله ماز. فن حاضرده بویله جه قبول ایدیور.

بوکون هر دوشون، هراوغراشان تسلیم ایدرک؛ کائناتی ژول سوریلر کی افراط درجه ده کوره لر؛ دینی دوزی لر کی اهمیتسز عد ایدنلر بر مرض عقلی ایله مؤف اولدقلرینه شبهه ایسته ماز.

چونکه؛ فن، مادامکه یورومکی حال طبیعی عد ایدوبده فلوچی، هیچ یورویه مه مزلیکی بر مرض دیه تلقی ایدیور؛ احوالده بشریتک تابیتداسندن بری موجودیتنی کوردیکمز، او قودیغمز، ایشتدیکمز دینلایلکک بر حال طبیعی وبونک خارجنده اولان دینسز لککده بر حال مرضی اولدیغنی قبوله تردد ایتمز.

بعضاً بشر مبتلا اولدیغنی امراض عصبیه ویا عقلیه نتیجه سی طبیعتک خارجنده کوریر، ایشیدیر، قونوشیر؛ بعضاً ده تک بر خیال مضاعف اوله رق کوزه چاربار. بو بر غلط حسی اولدیغنی کی دینی ده هیچ اوله رق کورمک حواس طبیعی سنک بر تغییرات مرضیه یه دوچار اولدیغنی افهام ایدر.

احوالده بین البشر طانیه بیلدیکمز، کوره بیلدیکمز وزده، محکمه کبرای عدالت اولان دماغمزه؛ یرایش، ایز براقش اولان احوال طبعیه دن بله دیکمز حالاتک بر شکل آخره انقلابی اصل بر مرض ایسه پک اسکی حتی هر شیئدن اسکی اولان دینی ده بر نظر نفرته کورنلر امراض عصبیه، عقلیه و روحیه منتسین و متخصصلری عندنده بر بخنوندن فرقلری یوقدر.

بونلر آنجق عالمده، هر شیئده کندیلرینی کورورلر؛ کندی فکرلرینی بکنیرلر؛ فکر عظمالق بئلك بونلرده تمرکز ایتشدر. بنابرین بونلرک سوزلری هم قانوناً همده شرعاً مقبول اولمادیغنی کی بشریتیه بو مرض شبه السارینک سرایتیه بالتقلید میدان ویرمه مک

ایچون تجرید ایدیلهرک کندی منفعتلرینه تداوی اولق ایچون ایدی اقامتکاهلری اولان دارالشفا یه کوندزمکدن بشقه، فکرجه، چاره سی یوقدر ظن ایدرم.

کریدی :
«مقری کوی»
د. ص. ک.

تبیین حقیقت

صراط مستقیمک کچن هفته کی نسخه سنده طبعیه دن (م. نوری دجانی) اسمنده برافندی طرفندن سرد ایدیلن مطالعات کلیاً خلاف حقیقت اولدیغنی کی قسم عسکریده ده بواسمده هیچ برافندی یوقدر. طبابت بوتون علوم وفنونک اساس و مادریدر. بزطب طلبه لری حسب المسلك فن وفلسفه نک هر بر جهتلرینی او قومش، اونلرله تنویر ذهن ایتش اولدیغمز ایچون، هر درلو حقیقتی ادراک ایده جک بردماغه، متفکر، منور بردماغه مالک بولندیغمز ایچون دین جلیلمزک ادیان سائریه اولان رجحانیتتی و آره لرندکی فرق عظیمی تقدیر ایدنلردنر. بناء علیه حقمزده واقع اولان شواهداتی کندی نامزده شدتله رد ایدرز. عموم طبیعه عسکریه طلبه لری

عالم اسلام

ادهم روحی بکک توقیف و تخلیه سی

هان هر نسخه سنی حقوق اسلامییه پی مدافعه یه حصر ایدن فلبه ده منتشر (بافغان) رفیقمزک محرر مقتدری مجاهد شهر ادهم روحی بک افندی یه قارشی بلغار حکومتی طرفندن اول و آخر روا کورلمکده اولان معاملات اعتسافیه بوضوک کونلرده هر درلو حدود تحملی تجاوز ایتدی. قوجه مجاهدک نهایت توقیفنه قدر کیدلدی.

بلغار حکومت حاضره سنک طور و مشوار غریبی و معاهدات ایله مؤمن حقوق اسلامییه پی لاشی تلقی ایدرک محو واضاعه سنی داخل دائره اقتداری فرض ایتکده اولسی معلوم ایسه ده عالم مدینه قارشی حقوق محترمه بشریتیه بودرجه لده آچیتدن آچیغه تعرضه جراتی مأمول ومنتظر اولمادیغندن ادهم روحی بک قدراشمزک توقیفی خبری محیطمزه عظیم حیرتله، تأثرلر حصوله کتیریش و بو حیرت و تأثر چوق کیچمه دن محق بر حدته منقلب اوله رق ادرنه واستانبولده اجتماعلر، تلغرافلرله مراجعتلر و قوعبولدیغنی کی حکومت عثمانیه جده تجاوزات واقعه دن طولانی تشبثات تبعه پرورانه ده بولنلمشدر. نهایت بلغار حکومتی یاپیلان یولسزلنی شکل قانونی یه افراغ ایدرک بدایه اتخاذ اولنان توقیف قرارینی اسباب قانونیه دن طولانی استینافا فسخ ایتدیرمک صورتیه بر کریزگاه خلاص بولمشدر.

عالم اسلامک تأثرلی بر قاج کون کچیرمسنه سبیت ویرن شو وقعه مؤسفه نک لدنیاته نفوذ ایله مسئله پی تدقیق ایدلم. بلغارستان سراپا

رنجیده ایتیمیدن چکنمیلدر لر. ادهم روحی بك بلغار حكومتدن بر لطفه منتظر اولمديني كي مفتی اولمخ دخی اصلا خاطر و خیالندن کچیر مامشدر. بتون فریادلری متوالیا حقوق اسلامییه ایندی رلکده اولان ضرباتك عكس تألیتیدر. مع مافییه ادهم روحی بلك فطرة متخاق بولنديني خير خواهاق حسیاتیه بلغارستان حكومت حاضره سنی ایقاظ خصوصنده ده خیالوجه خدمتی سبق ایتیمشدر. بوکون بلغارستانك دولت علیه عثمانیه ایله ائتلافی سایه سنده تأمین ایده چکی بر چوق فوآند واردر. بلغار حكومتك مسلك حاضری ایسه بو فوآندك بشقه لری طرفدن اقتطاف ایدلمسسه مساعد بر طرزده بولنیور. ادهم روحی بتون موجودیتیه بودقایق وطنی سون، منافعی تقدیر ایدن بلغارلرك انظار عبرت و انتباهنه وضعه چالشمش، فقط افسوس شو طوغری سوزلر عواقب بین اولیان حدید المزاج ذواتی بویه چو ججه سینه تشفیره سوق ایلشدر.

ادهم روحی بك و دچرنا پوشتا، دینه ونیک غزته لریك بی سروب اولان نشریاتك بلغارلره ایراث ایده چکی مضراتی تشریح و بویه فائده سز سب و شتمدن ینه بلغارلرك متضرر اوله جغنی بالقان صحیفه لرلنده دلائل عیدیه سیله تبیین و توضیح ایلشدر. اگر بویکی غزته نك نشریاتنه قارشی عثمانی مطبوعاتی ده مقابله تنزلنده بوانسه ایدی بوکون هرا یکی قومشو اردسند درین درین اوچورملر حاصل و امید تودد و ائتلاف بسبتون زائل اوله جقدی. ایشته ادهم روحی بك بلغارستان حكومتی ایچون بر مسئله حیاتییه اولان شو نقطه یه حكومتك نظر دقتی دعوتدن خالی قالمور و سرکارده اولان ذواتك بلغارستانی نصل بر مهلکه یه س و رو کلمکده اولدقلرینی انظار اولی الهییه کافه صفحاتییه عرضه موفق اولیوردی. نهایت ادهم روحی مکافات یرینه زندان ایله مقابله کوردی. و بواهانته ده بر دین قرداشی آلت اولمق مظهریتیه مصاب اولدی. یالکمز بوراده بزی متسلی ایدن بر جهت وارسه اوده مملکتی حقیله سون بلغارستانك دور اندیش اولادی یاییلان مظالمه تأثر خصوصنده بزمه هم حس بولنیورلر و شو حاللریله هر صورته شایان اسف اولان بوقیل خطالرك تکرر ایتیه چکی حقنده افئده متأثر مزه رشحه پاش اطمئنان اولیورلر.

یکی غزته رفیقمرک ۳ صفر ۱۳۲۸ تاریخلی نسخه سندن عیناً :

عالم اسلامه بر تبشیر

مدارس اسلامییه ده بر خطوه تکامل

انفلاق مشروطیتدن بری آثار متعدده سیله اثبات موجودیت ایدن، قوام دینه، سلامت عمومییه، خیر وطنه جدی و حقیقی خدمتکر کوسترن رجال علمییه، دفتر حسنانه دون یکی بر صحیفه مفخرت ده علاوه ایتدیلر. حقیقه اعتراف ایتلی درکه ورثه انبیاء اولان علمای دین مبین، سحاب استبدادك آفاق بلاد اسلامییه دن چکلدیکی کوندن بری، مسالك سائر اربابنه بر چوق حسن مثاللر کوسترمشدر و ایش کورمک ایچون استکمال وسائطه منتظر اولوبده بر خیلی زمان مقطوع العمل

پارتیزنلک علیه مصابدر. موقع اقتداره کچن هر فرقه مخالفی فرض ایتدیکی فرقه لری وائلره ظهیر کوردیکی بی طرف ذواتی خریالامقله تأمین موقع ایده چکنه قاعددر. ایشته بوجه دن اوله رق بالقان رفیقمرک بلغارلرك منافع حقیقیه سینه موافق اولان نشریات بی طرفانه سی فرقه اغراضك محصول القا آتی عد اوله رق ادهم روحییه قارشی حس عداوت پرورده ایدلکده و آناری ده اره صره توقیف، ازعاج، تهدید صورتلریله تجلی ایلکده در. حقوق اسلامییه بی محافظه خصوصنده کی وظائفی حقیله تقدیر ایده میان قلبه مفتیسك احوالی تنقیداً (بالقان) ستونلرنده مشهود اولان فقرات بلغار حكومت حاضره سنجه بالطبع خوشه کیتیمه رك مجلوی بولندقلری مفتی افندیك مطلوب اولان محافظه موقعی تشبثاته مظاهرت کوسترلکده در. مفتی افندی حضرتلری ایسه بوصول کونلرده (بالقان) نشریاتندن پک زیاده متأثر اولمشدر و حتی اداره خانه مزه بیله (بالقان) غزته سی علیه آتیده کی ورقتی کوندر مشلدر :

تکذیب نامه و بیان حقیقت

فی ۷ کانون ثانی سنه ۱۳۲۵ تاریخ و ۷۲ نومرولی صراط مستقیم غزته سئک اوچوز اون سکرنجی صحیفه سنده «الواح انتباه» سرلوحه سی التئده (بالقان) دن اقتباساً یازیلان مقالیه ای اوقودم. مذکور مقاله ده فلبه ده کاش سپورکه بابا جامع شریفیه بک مسجد جامع شریفی پارتیزانلر طرفندن اکین انباری اتخا ایدلمش اولدینی کوستریلیور. حالبوکه بک مسجد جامع شریفیه هیچ بر کیسه طرفندن اکین وسائر قونامشدر. یالکمز تاریخدن برهفته مقدم طغیان میاه سبیلله فلبه نك قارشو یقه سنده ناموسکار، مصلی، عابد بر مسلمانك انبارنده اوچوز کیله مقداری ذخیره سی صو التئده قالیر. موی الیهک ایصلانان ذخیره سئک قسم کلیسنی انسانیت نامنه بلغار قومشولری خانه لرینه قبول ایدوب سرلر و اصلا جماعتی اولیان و سپورکه بابا جامی دیمکه معروف اولان جامعک تابوتانی محلسه ده بر مقداری قوروتنی اوزره موی الیه مسلمان سرر. بواییلادن معامله دن بدایه معلوما تمه یوق ایدی. اگر معلوما تم اولمش اولسه ایدی بویه بر فلا کتزد دین قرداشمه او طور دیم خانه نك بر او طه دن بشقه محللرینی کاملاً ویرمه راضی ایدم. بناء علیه بویه ناکهانی بر بلیه و آفات زمانلرنده انسانلرك یکدیگرینه معاونت ایتلری وجیه ذمت اولدینی ده آشکاردر. حتی بوندن ایکی کون مقدم شهر مرده شهاب الدین پاشا مرحومک بنا ایلدیکی عمارت قبه لری التئده او طور مقدمه بولنان قرق طغوز نفوسی حاوی اون ایکی خانه اهالی مسلمانك بر هفته اول نزول ایدن باراندن اوزرلرنده اولان قبه لر آکسزین دوشوب سوقاق اورته سنده سفیلانه آغلامده اولان فقرالره شمیلک بر یر تدارک اولنجه یه قدر مسکن اولمق اوزره جماعت هیئت اوزون درین مذاکره دن صکره چارناچار جماعتی اولیان ایکی جامعه مذکور اون ایکی خانه خلق برلدر مکه قرار ویرمشدر. بلکه مذکور تقرایه قارشو جماعت اسلامییه نك شو حرکت مستحسنه سنی ده مایه سی غرضکارلقه بوغورلمش اولان بالقان غزته سی بشقه بر قابله صوقه رق منقدانه یازمقدن چکنیمه چکدر. فقط بن امین که بوجه بالا یاییلان معامله، معامله انسانیشکاری و موافق شرعشیدر. حقیقت حال بوندن عبارت اولدیغی عرض ایله غزته کزک بر کوشه سینه درجی رجایدرم. مفتی و نائب فلبه

سلیمان فائق

(طنین) رفیقمرک استخباراتنه کوره حکومتیه قارشی رسمی شکایت دخی افندی موی الیه جانبندن وقوع بولمش وزوالی ادهم روحی بك مرتب بر صلیحه نك مغدور اهاتی اولمشدر.

بالقان نشریاتی علیه کورنلر اسباب شکایتی ازاله ایتلی، اسلاملری